

傷寒研究



自序

余謂傷寒六經。因病狀而定之名詞。靈樞經絡。爲病後推得之徑路。此言乍視之似無關緊要。其實不明此理。中醫總無由入科學軌道。傷寒論從靈樞素問產生。靈素爲中國醫學之祖。而此兩書於臟府部位及其作用。均不明瞭。例如肝之部位偏右。而靈素以肝配五行之木。木主生氣。其位在東。於人體在左。爲之說者不月靈素肝臟在左之理。乃云肝雖在右。其氣在左。此種曲說。何能服人。又如靈素所言膈中與脾。此兩物以今日實驗一相比附。幾莫可指名。甯非怪事。凡此皆極粗極淺



者。猶且如此。至略言體功作用。乃無一相合者。雖欲曲爲之說而不可得。如余君雲岫靈素商兌所言。已昭然在人耳目。余君嘗函余。謂閣下總無由爲靈素辨護。當時復函僅言。但能澈始澈終明瞭其理。自足成一家之言。驟視之。似答非所問。其實余所欲言者。初非八行箋紙可以了事。且余之所欲言。皆古人所未言。苦無書可以佐證。故竟不答復也。夫靈素爲醫學之祖。而臟府部位不明。體功作用不曉。安得不受攻擊。縱余君不言。他日亦必有言之者。而今日中醫界中人道及余雲岫三字。輒爲蹙額。須知余雲岫無德於中醫。不爲中醫維持。



飯碗亦無惡於中醫。不蓄心打破中醫飯碗而後快。不從學術進退大問題着想。僅於余雲岫個人而生惡感。等是妄談。六經六氣之顛預頭腦而已。余夙聞東國二百年前中醫盛行。有吉益東洞者。專攻仲景之學。排斥當日彼邦盛行之丹溪學說。號稱復古。治病奇驗。彼邦推爲醫傑。而亟欲一見其著述不可得。近著傷寒研究。既脫稿。有骨董商以東國舊醫書數十種來售。就中專論傷寒者二十餘種。余悉購之。乃能略見東洋醫學淵源。其所言大都明白了當。賢於我國陳喻諸家。惟於仲景撰用素問之語。多不能貫通。似以仲景學說與素問



無甚關係。故多疑仲景自序一篇爲後人僞託者。此實不可爲訓。又於醫學太初第一步。亦不甚明瞭。意者東國中醫衰落。卽以此歟。夫吾所謂太初第一步者。卽五行六氣本於四時之理。所以必以四時爲言者。卽因四時爲生物所從產生之故。故曰太初地一步。語詳拙著見智錄。茲不俱贅。必明所謂太初地一步。然後知內經所由發生。必明傷寒六經爲人身所著病狀之界說。靈樞經穴爲病後推得之徑路。然後知中國醫學之所由成立。知其所由發生與所由成立。然後靈素傷寒之言有研究之價值。其訛字錯簡有整理之方法。從來注家有



妄言曲說有糾正之標準。西洋醫學有他山攻錯之效。用此卽吾所謂新中醫。雖舉世皆左袒余雲岫。雖類似靈素商兌之書有千百種。吾亦自反而縮。不加貶矣。癸亥十二月九日鐵樵自識。



序

中醫至今日。晦盲極矣。黠者稗販西籍。大放厥詞。蹂躪祖國所固有之學說。而不甚愛惜。亦既舉世風靡矣。顧有人焉。不惜抵掌搖舌。創爲緒論。無惑衆人之毀譽。不求衆人之諒解。徬焉栖焉。惟日闡其所學。以冀有明其理者。若惲子鐵樵。可論也。惲子以醫聞。先後凡刊內經傷寒論。自著有羣經見智錄。傷寒論研究數卷。見智錄所論。于中國五行甲子陰陽之說。闡發殆盡。其于醫學上得失。世已知之。是以不論。論其傷寒論研究。吾師餘杭章先生之言曰。西人善治錮疾。獨短于傷寒溫熱。傷



寒論自成無已以後。解之者多家。不佞所願。則學柯氏。蓋其破傳經之謬。辨三方鼎足之非。知陽明厥陰爲溫熱。識太陰爲內傷。其餘長沙真旨。可謂以神遇而不以目視。有能鎔柯氏論翼之精義。以合叔和舊本之刊範者。斯于名實兩得之矣。又曰。叔和于太陽篇痙溼喝外。未嘗改易仲景舊次。叔和之誤。在其序例。強引內經曰傳一經之說。與本論義不相入。云云。吾師之解傷寒論如是。蓋論傷寒者。多被叔和序例之誤。扭于傳經。雖經清代陳喻尤張諸家。疏發大義。而變易章句。自我作古。復惑于傳經之成見。以昌其說。固未聞大聲疾呼有以



糾正之也。今者惲子鐵樵傷寒論研究。于吾師之說。同
乎否乎。是在觀是書者知之。惲子曾以此書就正吾師。
則惲子之言論。自有吾師批評之。破浪未敢贊也。惟觀
其中用藥之討論一段。引證發明。超以象外。得其環中。
能于醫界智識上。再進一步。夫以舉世鄙棄中醫之秋。
而惲子卓然用其力以闡發。不可謂非仲景之功臣也。
嗚呼。春水張破浪。敍于松江塔射園。



傷寒論研究目錄

卷之一

總論

仲景自序

傷寒論六經上篇

傷寒論六經下篇

傷寒論提綱上篇

傷寒論提綱下篇

卷之二

用藥之討論

傷寒論研究

目錄



卷之三

中西病理互證之難處

傷寒類西國病理略并論

傷寒西說

潛伏期可以證明中說不卽病之謬

傷寒病型與傳經

治療法之討論

對於病型說之商確

合併證存疑

流行性脊髓炎與瘧病



卷之四

附列醫案之所由

溫病忌表說之誤事

治太陽不傳經之証據

脈短必死之心得

熱至百零五度零六不死

脈之研究



傷寒論研究卷一

武進惲鐵樵學

受業

武進徐

銓衡之

參校

總論

光陰不倒流。人事因無不演進。此天地間惟一之原則。故歷史爲演進的。學術亦演進的。進步之遲速。則視環境之因緣。斷無背此原則而反退化之事實。其有一事一物或一學科。互數千百年之長時間。絕無進步可言。而且揆之近頃。反較從前遠不如者。此非事實。乃幻境。一旦環境變換。必如水之潰防決堤。有神速之進步。補償其前此停滯不進中所損失之歲月。歐洲僧侶柄政



時代。學術無進步可言。猶之我國。十九世紀一棋之中。奔軼絕塵。則償其前此遲滯中所損失之歲月矣。歐風東漸。我國固有學術。幾無物不受破壞。然因有科學方法。古代諸子皆經一番整理。國人能讀古書者。較之三十年前。人數之增多不啻倍蓰。則此後政治學術。有奔軼絕塵之進境。已萌芽孕育於此三十年之中。亦未可知。凡此動機。皆環境爲之因緣。顧醫學則何如。

今日西醫徧中國。西醫之學說。有風起雲湧之觀。中醫受其壓迫。勢力日縮。環境之變換不可謂不甚矣。而中醫界竟寂焉無聞。間有著書參用西說者。不過一枝一



葉。無澈底之研究。間有研求古籍者。號稱保存國粹。其實枝枝節節。不能爲根本之解決。如此者已如鳳毛麟角。不可多得。其大多數則不識不知。我行我素。湯頭歌訣溫熱經緯。足以維持飯碗。於願已足。學術進退之大問題。則視聽所不及。思想所不到。宜乎漠然無動於中。而黠者爲標榜聲譽計。爲發展營業計。亦居然以出版品相號召。及視其所爲。則滿紙陳死人之唾餘。參以不可究詰之囁語而已。出版者以標榜聲譽爲目的。購閱者若相喻若不相喻。亦卒以名譽歸之。而於學術之自身。則絲毫無補。環境之變換。不能有幾微之影響。則何

故歟。曰。若此者。亦幻象而已。

內經託始於歧黃。所言多不易了解。在昔已屏諸道家之列。歐風東漸。陰陽五行之說。益爲國人所吐棄。其書遂若存若亡。此其一。醫之爲伎。不僅在讀書。又在經驗。而有經驗者。類不能讀書。能讀書者。又苦無經驗。是以心知其故者。不能言。而能言者。總不免隔靴搔癢。他國之醫學。爲學術界之一部份。而我國之醫。與學術界離而爲二也。此其二。有此二因。醫之遲滯不進。甚於他種學問。固宜。

地質之進化。動植之進化。人種之進化。罔不由於自然。



若學術之進化。雖亦不外自然律之支配。要不能無仗於人爲。鄙人一知半解。不足當著作固已。然既有此一知半解。在理不當自菲薄。以故雅不自量。貿然以醫學之進步引爲己任。雖我所貢獻者。其成分或比諸滄海之勺水。泰山之一拳石。要之已盡其蟻馱一粒之義務。此則本書之所由作也。

西國醫學日新月異。真理之獲得無歲無之。而我猶奉四千年前之內經。二千年前之傷寒論。以爲治病方法盡在於此。播弄古董。自矜獨得。不顧他人齒冷。豈非笑話。然則前此著羣經見智錄以解內經。今又作傷寒研

